



打狗海湧頂懸 ê 光

一、南方來 ê 人

用文字來掖種出烏色 ê 電火球仔
毋是欲驚天動地，是欲點予
飛佇風雨當中 ê 火金姑，會使走揣著
這葩詩句踞佇時間 ê 芳味

「頭一本 ê 臺灣無文學
彼時陣 ê 心情經過佻濟年
冊本雖然已經碎糊糊
思想佇目睷內猶原有心跳聲」

彼并原本有滿滿是 ê 景緻
予人有心存眠夢 ê 跂步，
拄起頭爾爾，不過經過幾若冬
到這馬又閣是起頭 ê 畫面 --ah，親像
停睷 ê 樓仔厝是煞尾 --ê，也是已經
變成拍破 ê 頭起先（花開過了後袂閣再開矣，
毋是袂曉是袂使）

踞佇烏色 ê 海湧內底
阮敢若看著會使依倚 ê 海墘
帶著南方 ê 燈火欲來撥開北方 ê 寒冬
原來彼并早就有一群人
咧用草仔色 ê 電火延續島嶼 ê 智慧
咱攏是南方來 ê 人

換出藏佇夢想內底 ê 彼一條路
語言毋是武器
是一條按怎將逐家圍做伙 ê 被鍊，
毋免展風神

只要會使倚佇時間 ê 舞台頂，毋免有節日 ê 慶祝
只要會使倚佇落雨天
看著臺文路 ê 路標佇阮 ê 目矧內底

二、浪國 ê 電火

毋免有音樂，腔口就是
上蓋迷人 ê 詩句，恬靜仔
影著 (iánn-tiòh) 浮佇塗跤 ê 高雄圖書館
冊本若親像船隻 ê 走揣 (tsáu-tshuē)，目矧內
聽見風吹 ê 喘氣聲，彼時
無論是暗暝也是稀微 ê 拍碇仔光，攞是為著
隨意中 ê 斟酌 (sim-tsiok) 跛步，是準備向準世界
來喝 (huah) 出浪國 ê 霆雷公，倚算心肝頭
猶有掛念 ê 所在，就用浪國 ê 波湧
來疊 (thàh) 起這葩高雄圖書館，阮總算知影
南方 ê 牆仔坎坎坷坷 (khám-khám-khiat-khiat)，名字號做路途
是欲 (beh) 予島嶼俗海湧做伙踎佇
這咧無翼股 (sìt-kóo) ê 時陣，煞有番薯葉仔 ê 氣味
會使將目屎扛 (kng) 起來，然後行向
踎佇藍浪頂懸 ê 世界；阮總算知影
高雄圖書館內底 ê 洗石仔，向時 ê 鹽砂，
現此時猶原倚甲 (kah) 若 (ná) 石頭，彼是
充滿紅毛塗 ê 擔頭，阮總算知影
毋是夢中 ê 風飛沙，將痕跡展 (thián) 開
來變成一條路，無人行踏 ê 天光
就用浪國 ê 烏暗來鬥陣，
一手海湧俗一葩火，化去 ê 寒天
是愛用佻濟 (guā-tsē) 傷痕槌 (kīng) 起來，
目屎內底 ê 閃閃爍爍 (siám- siám- sih- sih)，看袂著頭前
就用肩胛頭喝 (huah) 天地驚惶 ê 霆雷公，倚算歌聲會煞戲
就用浪國 ê 海湧鎖著的；死去的是明仔載
因為這葩電火就親像是
袂變 ê 海岸 (hái-huānn)



作者感言

林益彰 學生

來 --ooh，若燒酒雞的評鑑，閣來矣 --ooh。臺文系會使毋是臺語系，毋過袂使無臺語文。話講轉 -- 來，影著客委會的色水俗面向，恁臺文系到底欲用啥貨 hām 其他系所來比並！無彩，真無彩，手頭拎著臺語文專屬的物件，心肝頭只有喝著無彩，真正無彩。就予笑談繼續談，笑笑 --heh 聽著，來 --ooh，若燒酒雞的評鑑，閣來矣 --ooh。